

ქალაქ თბილისის მუნიციპალიტეტის ჩუღურეთის რაიონის გამგეობა



CPV 92600000/92622000

ჩუღურეთის რაიონში ჩასატარებელი სპორტული ღონისძიების
მხარდაჭერის მომსახურება.

გამარტივებული ელექტრონული ტენდერი
(ვაჭრობის დამატებითი რაუნდების გარეშე)

ქ.თბილისი, 2016 წელი

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად. იხ. ვებ. გვერდი <http://procurement.gov.ge>

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში - ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში, ისინი წარმოდგენილი უნდა იყოს ორიგინალის სახით და მათ უნდა დაერთოს ორიგინალის ნოტარიულად დამოწმებული ქართული თარგმანი (ასლის შემთხვევაში - აპოსტილით დამოწმებული ასლის ნოტარიულად დამოწმებული ქართული თარგმანი).

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6. ტენდერი გამოცხადდა ვაჭრობის დაფარული მონაცემებით, ელექტრონული ვაჭრობის დამატებითი რაუნდების გარეშე (იხ. „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მუხლი 26⁵ - ტენდერის გამოცხადება ვაჭრობის დაფარული მონაცემებით, ელექტრონული ვაჭრობის დამატებითი რაუნდების გარეშე).

2. ტექნიკური დოკუმენტაცია

2.1 პრეტენდენტის მიერ სისტემაში ასატვირთი ინფორმაცია და მონაცემები:

2.1.2. რეკვიზიტები დანართი N1-ის მიხედვით.

2.1.3. სატენდერო წინადადების ღირებულება, დანართი N3-ის მიხედვით;

2.1.4. ინფორმაცია ანალოგიური ღონისძიებების ჩატარების გამოცდილების შესახებ დანართი N4-ის მიხედვით.

2.2 ანგარიშსწორების პირობები:

2.2.1 დამკვეთი ორგანიზაციის მიერ შერჩევა - შეფასება განხორციელდება წარმოდგენილი წინადადებების ღირებულებების მიხედვით.

2.2.2 ანგარიშსწორება მოხდება უნაღდო ანგარიშსწორებით ლარებში;

2.2.3 ანგარიშსწორება მიმწოდებელთან განხორციელდება, ღონისძიების ჩატარების შემდეგ, მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღის განმავლობაში.

2.2.4 წინასწარი ანგარიშსწორება (ავანსი) არ არის გათვალისწინებული.

2.3 ჩასატარებელი და მხარდასაჭერი ღონისძიების ტექნიკური დავალება:

2.3.1 ჩასატარებელი და მხარდასაჭერი ღონისძიების ტექნიკური დავალება მოცემულია დანართი N2-ის სახით.

2.4 მიწოდების პირობები და ვადები:

2.4.1 გამარჯვებულმა პრეტენდენტმა მომსახურება უნდა განახორციელოს ხელშეკრულების გაფორმებიდან 20(ოცი) კალენდარული დღის ვადაში, (თარიღი დაზუსტდება ხელშეკრულების გაფორმების მომენტისათვის).

2.4.2 სატენდერო წინადადებაში ღონისძიების ჩატარების ღირებულების წარმოდგენა დასაშვებია მხოლოდ ეროვნულ ვალუტაში. სხვადასხვა ვალუტაში გამოსახული სატენდერო წინადადებები არ განიხილება.

2.5 სატენდერო წინადადების ფასი:

2.5.1 სატენდერო წინადადების ფასი წარმოდგენილი უნდა იქნეს თანმდევი ხარჯებისა და საქართველოს კანონმდებლობით გათვალისწინებული ყველა სავალდებულო გადასახადების ჩათვლით.

2.5.2 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

2.6. ფასწარმოქმნის ადეკვატურობის დასაბუთება:

იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტს მოსთხოვს ფასწარმოქმნის ადეკვატურობის დასაბუთებას (ტენდერისათვის სტატუსის „გამარჯვებული გამოვლენა“ მინიჭებამდე). ფასწარმოქმნის ადეკვატურობა შესაძლებელია დასაბუთდეს შესაბამის სფეროში საქართველოს კანონმდებლობით განსაზღვრული უფლებამოსილების აკრედიტაციის მქონე პირის მიერ გაცემული საექსპერტო დასკვნა ან სერთიფიცირებული აუდიტორის მიერ გაცემული დასკვნა, ან შესყიდვის ობიექტის მოწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშფაქტურით (ინვოისით) რომელიც დაადასტურებს პრეტენდენტის მიერ დაფიქსირებულ ფასად ტენდერით გათვალისწინებული ვალდებულებების შესრულების შესაძლებლობას;

ხელშეკრულება სახელმწიფო შესყიდვის შესახებ

(პროექტი)

(ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების დროს)

ქ. თბილისი

– ----- 2016 წელი

ერთის მხრივ ქ. თბილისის მუნიციპალიტეტის ჩუღურეთის რაიონის გამგეობა, მდებარე: ქ. თბილისი, დავით აღმაშენებლის გამზ №65 (შემდგომში „შემსყიდველი“), რაიონის გამგებლის – ზურაბ ჩიკვილას სახით და მეორეს მხრივ „-----“, ს/კ -----, მდებარე: ქ. თბილისი, ----- (შემდგომში „მიმწოდებელი“), ხელმძღვანელის – ----- სახით, ვხელმძღვანელობთ რა საქართველოში მოქმედი კანონმდებლობით, გამგეობის მიერ ჩატარებული გამარტივებული ელექტრონული ტენდერის საფუძველზე, ვდებთ წინამდებარე ხელშეკრულებას შემდეგზე:

1. ხელშეკრულების საგანი

„შემსყიდველი“ ანიჭებს „შემსრულებელს“ უფლებამოსილებას მხარი დაუჭიროს სპორტული ღონისძიებების ჩატარებას, რომლის შესასრულებელი ვალდებულებების დეტალური აღწერა მოცემულია ხელშეკრულების დანართში

2. კლასიფიკატორის კატეგორია, ქვეკატეგორია

2.1 შესყიდვის ობიექტი - სპორტული ღონისძიების მომსახურება

2.2 შესყიდვის საშუალება - გამარტივებული ელექტრონული ტენდერი. სატენდერო განცხადების ნომერი - შესყიდვის კატეგორია - 92600000 - სპორტული მომსახურებები

კლასიფიკატორის (CPV) კოდი - 92622000 - სპორტული ღონისძიებების ორგანიზება

3. მომსახურების ღირებულება

3.1. მომსახურების საერთო ღირებულება შეადგენს ----- ლარს, საქართველოში მოქმედი კანონმდებლობით გათვალისწინებული ყველა სავალდებულო გადასახადების ჩათვლით.

4.1 მომსახურების მიღება - ჩაბარება

4.1.1 მომსახურების მიღება წარმოებს მიღება - ჩაბარების აქტის საფუძველზე. მიღება - ჩაბარების აქტი ფორმდება წერილობითი ფორმით, მხარეთა უფლებამოსილი წარმომდგენლების ხელის მოწერით.

4.1.2. მომსახურება ჩაითვლება შესრულებულად მიღება - ჩაბარების აქტზე „შემსყიდველის“ მხრიდან ხელმოწერის შემდეგ.

4.2. ღონისძიებების განხორციელების ვადები და ადგილები

4.2.1. ღონისძიების ჩატარების ადგილი: ქ. თბილისი ჩუღურეთის რაიონის ტერიტორია, (კონკრეტული მისამართი დაზუსტდება ხელშეკრულების გაფორმების მომენტისათვის).

4.2.2. ტურნირში მონაწილეობას მიიღებს რაიონის 16 გუნდი, (თითოეულ გუნდში 4 მონაწილე) რომლებიც უნდა დაკომპლექტდეს ჩუღურეთის რაიონში მცხოვრები 16 წლიდან ზემოთ მოქალაქეებისაგან.

4.2.4. მიწოდების ვადაა ხელშეკრულების გაფორმებიდან 20(ოცი) კალენდარული დღის ვადაში, (თარიღი დაზუსტდება ხელშეკრულების გაფორმების მომენტისათვის).

4.2.5. გამოყენებული მასალები, ინვენტარი და სხვა დეტალები, ღონისძიების გამართვამდე არაუგვიანეს 2 დღისა უნდა შეთანხმდეს შემსყიდველთან.

5. მხარეთა ვალდებულებები და უფლებამოსილებები

5.1. „შემსყიდველი“ ვალდებულია:

- 5.1.1. დროულად მიაწოდოს „მიმწოდებელს“ ღონისძიებების ჩასატარებლად საჭირო ინფორმაცია;
- 5.1.2. საკუთარი კომპეტენციის ფარგლებში მოახდინოს სპროტული ღონისძიებების ორგანიზება;
- 5.1.3. „მიმწოდებელთან“ დროული კომუნიკაციისათვის გამოყოს საკონტაქტო უფლებამოსილი პირი;
- 5.1.4. უზრუნველყოს მომსახურების ღირებულების დროული გადახდა მოცემული ხელშეკრულებით გათვალისწინებული პირობების შესაბამისად.

5.2. „შემსყიდველი“ უფლებამოსილია:

- 5.2.1. „შემსყიდველი“ უფლებამოსილია არ ჩაიბაროს „მიმწოდებლის“ მიერ გაწეული მომსახურება და არ აანაზღაუროს კონკრეტული ღირებულება თუ მომსახურება ან მისი ნაწილი არ შეესაბამება მოცემული ხელშეკრულებით გათვალისწინებულ პირობებს.

5.3. „მიმწოდებელი“ ვალდებულია:

- 5.3.1. უზრუნველყოს მოცემული ხელშეკრულების თანახმად ღონისძიების მხარდაჭერა;
- 5.3.2. უზრუნველყოს პროფესიული კადრების (სატენდერო დოკუმენტაციის ტექნიკური დავალების შესაბამისად) შერჩევა და ღონისძიებებზე მოწვევა.

6. ანგარიშსწორება

- 6.1. ანგარიშსწორება „მიმწოდებელთან“ განხორციელდება ღონისძიების ჩატარების მომსახურების გაწევის შემდეგ, მიღება-ჩაბარების აქტის გაფორმებიდან არა უგვიანეს 10 (ათი) სამუშაო დღის განმავლობაში.
- 6.2. ანგარიშსწორება მოხდება უნაღდო ანგარიშსწორებით ლარებში;

7. ხელშეკრულების შესრულების კონტროლის (ინსპექტირება) პირობები

- 7.1. „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.
- 7.2. ხელშეკრულების ინსპექტირებას შემსყიდველის მხრიდან განახორციელებს: კულტურის სპორტისა და განათლების განყოფილების თანამშრომლები.
- 7.3. შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ წერილობით აცნობებს „მიმწოდებელს“ წუნდების მიზეზების მითითებით.
- 7.4. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

8. ხელშეკრულებაში ცვლილებების შეტანა

- 8.1. მოცემულ ხელშეკრულებაში გათვალისწინებულ პირობებში ცვლილებების შეტანა შესაძლებელია მხოლოდ ორივე მხარის წერილობითი თანხმობის შედეგად;

8.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია;

8.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან „შემსყიდველისათვის“ პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

8.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. ხელშეკრულების შესრულების შეფერხება

9.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

10. ფორს-მაჟორი

10.1. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

10.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

11. მხარეთა პასუხისმგებლობა ხელშეკრულების დარღვევისას

11.1. მხარეების მიერ ხელშეკრულებით ნაკისრი ვალდებულებების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

11.2. ხელშეკრულებით ნაკისრი ვალდებულებების შეუსრულებლობის, არაჯეროვნად შესრულების ან შესრულების ვადის გადაცილებისთვის მიმწოდებელს დაეკისრება პირგასამტეხელოს გადახდა-ყოველ (ყოველი კონკრეტული სამუშაოს მოცულობის მოთხოვნიდან შესრულების)

ვადაგადაცილებულ დღეზე ხელშეკრულების ღირებულების 0,1 %-ის ოდენობით. იმ შემთხვევაში თუ მიმწოდებლის მიერ ვადების გადაცდენისთვის პირგასამტეხელოს ჯამური თანხა გადააჭარბებს

ხელშეკრულების საერთო ღირებულების 3%-ს შემსყიდველს უფლება აქვს შეწყვიტოს ხელშეკრულება.

11.3. ხელშეკრულების შეწყვეტის შემთხვევაში მიმწოდებელს დაეკისრება ჯარიმა ხელშეკრულების საერთო ღირებულების 2%-ის ოდენობით

11.4. საჯარიმო სანქციით დაკისრებული თანხა გადახდილ უნდა იქნეს მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 (ერთი) თვეში.

12. სადავო საკითხების გადაწყვეტა

12.1. წინამდებარე ხელშეკრულებასთან დაკავშირებულ უთანხმოებებს მხარეები აგვარებენ ურთიერთმოლაპარაკების გზით;

12.2. მხარეთ შეუთანხმობის შემთხვევაში, დავა წყდება საქართველოს სამოქალაქო სასამართლოებში, საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

13.1. მოცემული ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს მოცემულ ხელშეკრულებაში მხარეთა მიერ ნაკისრი ვალდებულებების შესრულებამდე, მაგრამ არა უგვიანეს 2016 წლის 30 ნოემბრისა.

14. დასკვნითი დებულებები

14.1. ხელშეკრულებაში ცვლილებების შეტანა დასაშვებია მხოლოდ მხარეთა წერილობითი შეთანხმების საფუძველზე. ცვლილების ცალმხრივად შეტანა დაუშვებელია;

14.2. წინამდებარე ხელშეკრულება შედგენილია ქართულად 2 (ორი) იურიდიულად თანაბარი ძალის მქონე ეგზემპლარად.

„შემსყიდველი“

„მიმწოდებელი“

ჩუღურეთის რაიონის გამგეობა

ს/კ

ს/კ

გამგებელი

დირექტორი

/ზურაბ ჩიკვილაძე/

დამატებითი ინფორმაცია:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში. ქ. თბილისის ჩუღურეთის რაიონის გამგეობა, დავით აღმაშენებლის გამზირი #65.

სატენდერო კომისიის აპარატის წევრი – კობა ცინცაძე 37.49.12/ 599 18 21 81

ლონისძიების ორგანიზების დეტალებზე პასუხისმგებელი პირი – ანა კიკვაძე 595 77 99 82

1. რეკვიზიტები:

პრეტენდენტის იურიდიული ფორმა და დასახელება:
ხელმძღვანელის სახელი და გვარი:
პრეტენდენტის იურიდიული ან/და ფაქტიური მისამართი:
საიდენტიფიკაციო კოდი:
პრეტენდენტის ტელეფონის ნომერი:
ელექტრონული მისამართი:
ბანკის კოდი:
ანგარიშსწორების ანგარიში:

მონაწილე პრეტენდენტის
(ფიზიკური ან იურიდიული პირი)
ხელმძღვანელის ხელმოწერა

ინფორმაცია ჩასატარებელი სპორტული ღონისძიების შესახებ.

1. შესყიდვის ობიექტია:

ქუჩის კალათბურთის ტურნირის - „ჩუღურეთის რაიონის თასი ქუჩის კალათბურთში 2016“- ს ორგანიზება.

1. ღონისძიება უნდა განხორციელდეს ხელშეკრულების გაფორმებიდან 20(ოცი) კალენდარული დღის ვადაში, (თარიღი დაზუსტდება ხელშეკრულების გაფორმების მომენტისათვის).
2. ტურნირი უნდა ჩატარდეს 3X3- ზე კალათბურთის წესებით, კალათბურთის ეროვნულ ფედერაციასთან შეთანხმებით. (ფიზას სტანდარტით)
3. თითოეულ გუნდში უნდა იყოს 4 მოთამაშე, ტურნირში მონაწილე გუნდების რაოდენობა არ უნდა აღემატებოდეს 16-ს. მსურველთა მეტი რაოდენობის დარეგისტრირების შემთხვევაში ტურნირში მონაწილეობას მიიღებს პირველი 16 გუნდი. გუნდები დაკომპლექტებული უნდა იყოს 16 წლიდან ზემოთ ჩუღურეთის რაიონის მაცხოვრებლებისაგან.

2. ღონისძიების ჩატარებისათვის საჭირო მასალები და გასაწევი მომსახურება:

- 2.1.1.შემსყიდველის მიერ მითითებულ ტერიტორიაზე სათამაშო მოედნის დახაზვა და მოწყობა.
- 2.2.2.მოედნის შემოსაზღვრისათვის საჭირო ხის ჩარჩოზე გადაკრული ორმხრივი კონსტრუქცია, შემოსაზღვრელი ბანერით (ვინილის მასალა) 3,0მX0,8მ (გადაეცემა შემსყიდველს და ღონისძიების დასრულების შემდგომ უნდა დასაწყობდეს შემსყიდველის მიერ მითითებულ აგდელზე. ტრანსპორტირებას და თანმდევ ხარჯებს უზრუნველყოფს მიმწოდებელი).
- 2.1.3.ტურნირის კვალიფიკაციური/ლიცენზირებული 2 მსაჯით უზრუნველყოფა.
- 2.1.4.მდივან-კომისარი 1 პირი-გუნდების დაკომპლექტება და რეგისტრაცია თამაშების მსვლელობის დროს.
- 2.1.5.ფოტოგრაფი - კვალიფიკაციური, სპორტული აქტივობების გადაღების გამოცდილებით,მთელი ტურნირის განმავლობაში.
- 2.1.6. ფოტოსურათების ბეჭდვა. (30 ცალი, ზომით 10 X15)
- 2.1.5.ტურნირის უზრუნველყოფა შესაბამისი მუსიკალური აპარატურით, წამყვანით და დიჯეით, (მუსიკალური აპარატურის სიმძლავრე არანაკლებ 6 კილოვატი, მიქშერი და 3 მიკროფონი ქირით) 1 დღე
- 2.1.6. მიმწოდებელმა ღონისძიების მსვლელობის პერიოდში უნდა უზრუნველყოს საჭირო დენის წყაროს მიწოდება. (საჭიროების შემთხვევაში უნდა გამოიყენოს დენის გენერატორი.)
- 2.1.7.ტურნირის უზრუნველყოფა ინვენტარით : 3 მაგიდა, 6 სკამი, პუფები მინიმუმ 20 ცალი
- 2.1.8.კალათბურთის ბურთი 3 ცალი მაღალი ხარისხის. (ტურნირის დამთავრების შემდეგ გადაეცემა შემსყიდველს)
- 2.1.9.სასმელი წყალი მოთამაშეებისთვის 0.5მლ პოლიეთილენის ბოთლი) 200 ცალი
- 2.1.10.ღონისძიება უნდა დასრულდეს კონფეტი ფოიერვერკით, ხანგრძლივობა მინიმუმ 2 (ორი) წუთი.

3. 0. სიგელები და სამახსოვრო პრიზები:

- 3.1.თასი საპრიზო ადგილებისთვის - 3 ცალი, ორგმინები, გრავირებული წარწერით და თბილისის ლოგოთი, ფერი და ტექსტი შემსყიდველთან შეთანხმებით.
- 3.2.მედალი 12 ცალი (4 ცალი ოქროსფერი, 4 ცალი ვერცხლისფერი, 4 ცალი ბრინჯაოსფერი) ზომით არანაკლებ 6 სმ. დიამეტრის, ჩამოსაკიდი ლენტით, გრავირებული ტექსტით: „ჩუღურეთის რაიონის გამგეობა, ქუჩის კალათბურთი 2016“
- 3.3.სასაჩუქრე ვაუჩერები - სასაჩუქრე ფორმით სპორტული მაღაზიიდან, თითოეული საპრიზო ადგილისთვის 4 ცალი პირველი ადგილისთვის- 200 ლარიანი, 4 ცალი მეორე ადგილისთვის-150 ლარიანი, 4 ცალი მესამე ადგილისთვის -100 ლარიანი.

ფასების ცხრილი

N	დასახელება	განზომილება	რაოდენობა	ერთეულის ფასი	საერთო ღირ-ბა
1	ლონისძიების წამყვანი	პერსონა	1		
2	კალათბურთის მსაჯი	პერსონა	2		
3	ფოტოგრაფი	პერსონა	1		
4	ფოტოსურათების ბეჭდვა (ზომა 10 X15)	ცალი	30		
5	მდივან კომისარი	პერსონა	1		
6	ქუჩის კალათბურთისათვის საჭირო მოედნის დახაზვა-მომზადება.	ლარი			
7	მოედნის შემოსაზღვრისათვის საჭირო ხის ჩარჩოზე გადაკრული ორმხრივი კონსტრუქცია, შემოსაზღვრელი ბანერით (ვინილის მასალა) 3,0მX0,8მ (გადაეცემა შემსყიდველს და ლონისძიების დასრულების შემდგომ უნდა დასაწყობდეს შემსყიდველის მიერ მითითებულ აგდოზე. ტრანსპორტირებას და თანმდევ ხარჯებს უზრუნველყოფს მიმწოდებელი)	ცალი	8		
8	გადასატანი ფარი / ელექტროტაბლოთი. ტრანსპორტირება-მოტანა-წაღება.	ცალი	1		
9	ინვენტარით უზრუნველყოფა- (მაგიდა-3 ცალი, სკამი 6 ცალი, პუფები-არანაკლებ 20ცალი) ტრანსპორტირება-მოტანა-წაღება.	დღე	1		
10	კალათბურთის ბურთი (ქუჩის კალათბურთის სტანდარტების შესაბამისი) გადაეცემა შემსყიდველს.	ცალი	3		
11	ფოიერვერკი "კონფეტი" (ხანგრძლივობა არანაკლებ 2 წუთი)	ლარი			
12	სასმელი წყალი 0.5 ლ	ცალი	200		
13	მუსიკალური აპარატურა არანაკლებ 6ვტ სიმძლავრის	დღე	1		
14	დიჯეი	პერსონა	1		
15	თასი I ადგილისთვის შუშის, გრავირებული, თბილისის ლოგოთი (ოქროსფერი), წარწერა შემსყიდველთან შეთანხმებით	ცალი	1		
16	თასი II ადგილისთვის შუშის, გრავირებული, თბილისის ლოგოთი (ოქროსფერი), წარწერა შემსყიდველთან შეთანხმებით	ცალი	1		
17	თასი III ადგილისთვის შუშის, გრავირებული, თბილისის ლოგოთი (ოქროსფერი), წარწერა შემსყიდველთან შეთანხმებით	ცალი	1		
18	მედალი I ადგილზე გასული გუნდისთვის, ოქროსფერი, ნსმ. დიამეტრი, გრავირებული, წარწერა შემსყიდველთან შეთანხმებით.	ცალი	4		
19	მედალი II ადგილზე გასული გუნდისთვის, ვერცხლისფერი, ნსმ. დიამეტრი, გრავირებული, წარწერა შემსყიდველთან შეთანხმებით.	ცალი	4		
20	მედალი III ადგილზე გასული გუნდისთვის, ბრინჯაოსფერი, ნსმ. დიამეტრი, გრავირებული, წარწერა შემსყიდველთან შეთანხმებით.	ცალი	4		
21	I ადგილზე გასული გუნდისთვის 200 ლარიანი სასაჩუქრე ვაუჩერი	ცალი	4		
22	II ადგილზე გასული გუნდისთვის 150 ლარიანი სასაჩუქრე ვაუჩერი	ცალი	4		
23	III ადგილზე გასული გუნდისთვის 100 ლარიანი სასაჩუქრე ვაუჩერი	ცალი	4		
	ჯამი				
	მოგება				
	ჯამი				
	დღგ	18%			
	სულ ჯამი				

ინფორმაცია ანალოგიური მომსახურების გაწევის შესახებ

№	მომსახურების დასახელება	შემსყიდველის დასახელება	მომსახურების ღირებულება, ლარი
1			
2			
	სულ:		

შენიშვნა:

- პრეტენდენტს თუ არ ექნება განხორციელებული ანალოგიური სახის მომსახურება (სპორტული ღონისძიების ორგანიზება), წინააღმდეგ შემთხვევაში მოხდება მისი დისკვალიფიკაცია;
- პრეტენდენტმა უნდა წარმოადგინოს ანალოგიური სახის მომსახურების-სპორტული ღონისძიების ჩატარების დამადასტურებელი დოკუმენტაცია.

მონაწილე პრეტენდენტის
(ფიზიკური ან იურიდიული პირი)

ხელმძღვანელის ხელმოწერა _____